

Uslovi akcije Android Moja TV

Član 1

Predmet ovih Uslova

- (1) Ovim Uslovima akcije Android Moja TV (u daljem tekstu: Uslovi) utvrđuju se specifičnosti pružanja i korištenja odabranih Moja TV paketa namijenjenih fizičkim licima (u daljem tekstu: Korisnik), za koje je Korisnik u toku trajanja akcije „Android Moja TV“ (u daljem tekstu: Akcije) podnio zahtjev za korištenje.
- (2) Za sve što nije regulisano ovim Uslovima na odgovarajući će se način primijenit odredbe Opštih uslova za pružanje telekomunikacionih usluga BH Telecoma (u daljem tekstu: Opšti uslovi), Cjenovnika usluga u unutrašnjem i međunarodnom saobraćaju BH Telecoma (u daljem tekstu: Cjenovnik), Specifičnih uslova od Moja TV usluge i drugih specifičnih uslova usluga BH Telecoma koje Korisnik koristi.
- (3) Sa aspekta ove Akcije, Korisnikom se smatra:
 - a) postojeći Moja TV korisnici koji nemaju zaključen ugovor sa obaveznim trajanjem,
 - b) postojeći korisnici fiksne telefonske usluge i netFlat paketa koji uvlače predmetni priključak u Moja TV pakete,
 - c) potpuno novi Moja TV korisnici.

Član 2

Ugovor

- (1) Ugovor po osnovu ove Akcije se zaključuje na neodređeno vrijeme, a sa obaveznim trajanjem ugovornog odnosa od 24 mjeseca.
- (2) Prijevremeni prestanak/prekid ugovora za Moja TV paket, zbog razloga za koje je odgovoran Korisnik (na zahtjev ili krivicom Korisnika), podrazumijeva penale koji su utvrđeni u daljem tekstu ovih Uslova.
- (3) Po isteku obaveznog trajanja ugovornog odnosa po osnovu ove Akcije ili po isteku trajanja benefita, Korisnik nastavlja koristiti uslugu po važećem Cjenovniku, odnosno ne ostvaruje benefite iz ove Akcije.
- (4) Benefiti Akcije se ne mogu ostvariti na postojećem priključku koji je već pod obaveznim trajanjem ugovornog odnosa po bilo kojem osnovu (po osnovu kupovine terminalne opreme i uređaja iz asemblirane/partnerske ponude i/ili po osnovu drugih promotivno-prodajnih ponuda BH Telecoma i/ili po osnovu obaveznog trajanja ugovora od 24 mjeseca u skladu sa Cjenovnikom i sl.), osim u slučaju kada bi pretplatnik raskinuo takav ugovor, što bi podrazumijevalo plaćanje penala te zatim da ugovori Moja TV paket po osnovu Akcije.

Član 3 Benefiti

Benefiti Akcije su:

Moja TV paket	Benefit 1	Benefit 2
Moja TV Full (svi Full paketi)	Besplatno korištenje prvog Android STB uređaja u toku obaveznog trajanja ugovora (prva 24 mjeseca)	Benefit kupovine uređaja iz asemblirane/partnerske ponude za nove Korisnike svih Moja TV paketa.
Moja TV Net (svi Net paketi)	+ Pogodnost niže cijene mjesečne naknade po osnovu obaveznog trajanja ugovora od 24 mjeseca u skladu sa Cjenovnikom	
Moja TV Phone		
Moja TV Basic		
Moja TV BH	Besplatno korištenje prvog Android STB uređaja u toku obaveznog trajanja ugovora (prva 24 mjeseca)	
Moja TV BH Phone		

Član 4 Opšta pravila za sve Korisnike

- (1) U toku trajanja Akcije, cijena pristupa, za Moja TV pakete obuhvaćene Akcijom, iznosi 1 KM (sa PDV).
- (2) Korisnik Moja TV paketa prilikom prelaska na korištenje Moj izbor usluge nastavlja koristiti benefite iz Akcije do isteka obaveznog trajanja ugovora za Moja TV paket iz Akcije.
- (3) Korisnik ima pravo da u toku obaveznog trajanja ugovornog odnosa izvrši promjenu korištenog Moja TV paketa bez sankcija/obaveza po osnovu ove Akcije, izuzev naknada utvrđenih Cjenovnikom i Opštim uslovima, pod uslovom da je novoodabrani paket jedan od Moja TV paketa obuhvaćenih Akcijom. Korisnik u ovom slučaju nastavlja koristiti benefit, koji odgovara novoodabranom Moja TV paketu.
- (4) Korisnik je obavezan da u slučaju prestanka ugovora za Moja TV paket po osnovu Akcije, iz bilo kojeg razloga, svu opremu dodijeljenu na korištenje, vrati BH Telecomu ili u suprotnom plati njenu protuvrijednost.
- (5) U slučaju prestanka ugovora za Moja TV paket zaključen po osnovu Akcije, Korisnik nije obavezan platiti razliku u cijeni pristupa između akcijske i redovne ponude.

Član 5 Pravila za benefit - Besplatno korištenje prvog Android STB uređaja

- (1) Ukoliko Korisnik ne deaktivira ovu dodatnu uslugu prije isteka perioda besplatnog korištenja po osnovu Akcije, ista i dalje ostaje aktivna te se naplaćuje po tada važećem Cjenovniku.
- (2) Korisnik ima pravo da, bez sankcija/posljedica, u toku obaveznog trajanja ugovornog odnosa izvrši zamjenu CPE opreme, u smislu da prvi Android STB uređaja zamijeni sa standardnim STB uređajem, te isto ne mijenja period/dužinu obaveznog trajanja.
- (3) U slučaju prijevremenog prekida ugovora sa obaveznim trajanjem, koji je zaključen radi ostvarivanja benefita iz Akcije, iz razloga za koje je odgovoran Korisnik (na zahtjev ili krivicom Korisnika), Korisnik je, pored izmirenja obaveza definisanih Cjenovnikom i Opštim uslovima, obavezan BH Telecomu jednokratno platiti ukupan iznos mjesečnih naknada za Android STB

uređaj za mjesec u kojima je besplatno koristio Android STB uređaj, po redovnoj cijeni iz Cjenovnika koja je važeća u trenutku obračuna penala.

Član 6

Pravila za benefit - Pogodnost niže cijene mjesečne naknade po osnovu obaveznog trajanja ugovora od 24 mjeseca u skladu sa Cjenovnikom

- (1) Korisniku koji odaberu ovaj benefit, naplatiti će se mjesečna naknada, u skladu sa Cjenovnikom, u iznosu koji važi za ugovor sa obaveznim trajanjem od 24 mjeseca za odabrani paket.
- (2) U slučaju prijevremenog prekida ugovora sa obaveznim trajanjem, a koji je zaključen radi ostvarivanja benefita Akcije, iz razloga za koje je odgovoran Korisnik (na zahtjev ili krivicom Korisnika), Korisnik je, pored izmirenja obaveza definisanih Cjenovnikom i Opštim uslovima, obavezan BH Telecomu jednokratno platiti sve dodijeljene popuste na mjesečnu naknadu po osnovu obaveznog trajanja korištenog paketa.

Član 7

Pravila za benefit asemblirane/partnerske ponude uređaja

Svi novi Korisnici koji u toku trajanja Akcije podnesu zahtjev za korištenje bilo kojeg Moja TV paketa imaju mogućnost kupovine terminalne opreme i uređaja iz asemblirane ili partnerske ponude BH Telecoma (Korisniku se dodjeljuje se status „postojeći korisnik“), po uslovima koji važe uz ugovor sa obaveznim trajanjem, a u skladu sa Cjenovnikom i specifičnim uslovima koji se odnose na asembliranu ili partnersku ponudu, koji, između ostalog, uključuju i pravila prestanka/raskida ugovora za asembliranu ili partnersku ponudu.

Član 8

Završne odredbe

- (1) Ovi Uslovi dostupni su na prodajnim mjestima BH Telecoma i na službenoj internet stranici BH Telecoma.
- (2) Ovi Uslovi se primjenjuju od dana početka realizacije Akcije.
- (3) Ovi Uslovi ostaju na snazi sve dok postoje prava/obaveze BH Telecoma ili Korisnika u pogledu pružanja/korištenja usluga/paketa/benefita iz ove Akcije.